

Broj: 02-2-1-9-1-30-18/26
Sarajevo, 18.09.2026.

Na osnovu člana 69. stav (1) tačka b) Zakona o javnim nabavkama Bosne i Hercegovine ("Sl. glasnik BiH", br.: 39/14, 59/22 i 50/24), Odluke Rektora o izmjeni i dopuni Plana nabavki Univerziteta u Sarajevu za 2026. godinu broj: 0101-5170/26 od 15.05.2026. godine, Odluke o izboru broj: 02-2-1-9-1-30-14/26 od 16.07.2026. godine, Izjave o jednostranom raskidu ugovora broj: 02-2-1-9-1-30-17/26 od 18.09.2026. godine, v.d. dekanesa Univerziteta u Sarajevu – Stomatološkog fakulteta donijela je :

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak javne nabavke roba – Trakaste i blackout zavjese, evidencioni broj: 02-2-1-9-1-30/26 i Odluka o izboru najpovoljnijeg ponuđača broj: 02-2-1-9-1-30-14/26 od 16.07.2026. godine stavlja se van snage .

Član 2.

Za izvršenje ove Odluke zadužuje se i ovlašćuje Služba za javne nabavke.

Član 3.

Donošenjem ove Odluke stavlja se van snage Odluka o izboru najpovoljnijeg ponuđača broj: 02-2-1-9-1-30-14/26 od 16.07.2026. godine.

Član 4.

Ova Odluka objavit će se na www.sf.unsa.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-2-1-9-1-30-3/26 od 08.06.2026. godine. Javna nabavka je provedena putem konkurentskog zahtjeva za dostavljanje ponuda.

Procijenjena vrijednost javne nabavke je 1.800,00 KM bez PDV-a.

Obavještenje o nabavci broj: 02-2-1-9-1-30-18/26 poslano je na objavljivanje dana 02.07.2026. godine.

Komisija za javnu nabavku imenovana je Odlukom broj: 02-2-1-9-1-30-4/26 od 08.06.2026. godine. Komisija za javnu nabavku dostavila je: Zapisnik sa otvaranja ponuda broj: 02-2-1-9-1-30-10/26 od 13.07.2026. godine, Zapisnik o ocjeni ponuda broj: 02-2-1-9-1-30-12/26 od 16.07.2026. godine i Preporuku o izboru najpovoljnijeg ponuđača broj: 02-2-1-9-1-30-13/26 od 16.07.2026. godine u postupku javne nabavke roba – Trakaste i blackout zavjese.

U postupku javne nabavke po Zapisniku sa otvaranja ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila zapisnike u kojima je utvrđeno slijedeće:

- da je ukupan broj pristiglih ponuda 2 (dvije);
- da je broj blagovremeno zaprimljenih ponuda 2 (dvije);
- da nema neblagovremeno zaprimljenih ponuda.

Naime u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama roba, usluga i radova Univerziteta u Sarajevu i tenderskom dokumentacijom.

Uvidom u priloženu dokumentaciju, nesporno je da je izabrani ponuđač MEGA-ROLL d.o.o. Gračanica ocijenjen po kriteriju najniža cijena ponude, nakon provedene e-aukcije.

Nakon što je donesena Odluka o izboru najpovoljnijeg ponuđača broj 02-2-1-9-1-30-14/26 od 16.07.2026. godine, te nakon što je potpisan Ugovor broj: 02-2-1-9-1-30-15/26 od 27.07.2026. godine, a u skladu sa članom 3. Ugovora, Prodavac se obavezao da će isporuku roba Trakaste i blackout zavjese izvršiti po dostavljenom zahtjevu/narudžbenici Kupca najkasnije u roku od 5 (pet) dana od momenta dostavljanja narudžbenice od strane Kupca, a sve u skladu sa uslovima iz prihvaćene ponude. Dana 30.07.2026. godine dostavljena je narudžbenica broj: 51/26.

S obzirom na to da ugovorene obaveze nisu izvršene u predviđenom roku, dana 25.08.2026. godine dostavljen je Poziv na izvršenje ugovornih obaveza broj: 02-2-1-9-1-30-16/26 u kojem se Prodavac poziva da izvrši svoje obaveze u naknadnom roku od 8 (osam) dana od dana prijema dopisa (dopis poslan putem e-maila dana 25.08.2026. godine i putem pošte na adresu).

Obzirom da ni u naknadno ostavljenom roku Prodavac nije pristupio izvršenju obaveza iz potpisanog Ugovora, Ugovorni organ je odlučio da iskoristi svoje pravo na jednostrani raskid Ugovora, u skladu sa odredbama važećih propisa. Ugovor o isporuci roba sa ponuđačem MEGA-ROLL d.o.o. Gračanica postao je apsolutno ništav, a postupak javne nabavke roba - Trakaste i blackout zavjese se mora poništiti.

Iz navedenih razloga, člana 69. stav (1) tačka b) Zakona o javnim nabavkama, te Poslovnika o radu komisije za nabavku broj: 02-2-1-9-1-30-5/26 od 08.06.2026. godine, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.


Sekretar potvrđuje da je Odluka u skladu sa zakonskim i podzakonskim propisima koji su na snazi, te da je v.d. dekanesa nadležna za donošenje iste, shodno članu 71. Zakona o visokom obrazovanju („Sl. Novine KS“; broj 36/22 i 28/25).

Akt obradila: Segmedina Kurtović, dipl.oec.

Akt kontrolisala: Almedina Bikić, dipl.iur.

V. D. DEKANESA

Prof. dr. sci. Mirjana Gojkov-Vukelić



Prilog:

Dostaviti:

- Ponuđačima
- web
- a/a